



Broj: 16-49-148-136/17
Sarajevo, 16.08.2017. godine

KANTON SARAJEVO
STRUČNA SLUŽBA VLADE
-OVDJE-

Predmet: Izjašnjenje na zastupničku inicijativu zastupnika Mirze Čelika, dostavlja se

Zastupnik Mirza Čelik, na 31. Radnoj sjednici Skupštine Kantona Sarajevo održanoj dana 05.07.2017. godine u okviru tačke Dnevnog reda „Poslanička pitanja, inicijative i odgovori“, a u skladu sa Poslovníkom Skupštine Kantona Sarajevo, pokrenuo je slijedeću zastupničku inicijativu:

„Tražim od Vlade KS da u što kraćem vremenskom periodu pokrenete izmjene Zakona o dopunskim pravima boraca-branitelja –prečišćeni tekst (Sl. novine KS br.45/12) i to član 51 (18.Podizanje nišana nadgrobnih spomenika), Stav 1.) iza riječi: „odlikovanja“ dodaje se „,ratnim vojnim invalidima, maloljetnim pripadnicima i ženama pripadnicima, bez obzira na datum pristupanja, datum demobilizacije i stepen invalidnosti“.

Obrazloženje

Iako se u 90% slučajeva lica iz kategorije ratnih vojnih invalida mogu podvesti pod jednu kategoriju definisanih Stavom 1.) te im se time obezbjeđuje postavljanje jedinstvenog nadgrobnog obilježja nakon njihove smrti, u 10% slučajeva veterani Odbrambeno-oslobodilačkog rata 1992-1995. koji su žrtvovali zdravlje i/ili dijelove tijela u odbrani Države ne mogu se tretirati kao lica iz Stava 1.)

Riječ je uglavnom o RVI koji su usljed ranjavanja izmješteni na liječenje izvan tada opkoljenog Sarajeva te se administrativno nije kompletirao postupak demobilizacije kao i o malom broju onih koji su naknadno, zbog toga što su bili maloljetni ili su došli iz inostranstva, pristupili odbrani BiH i bespoštedno se za nju borili o čemu svjedoči i njihov RVI status“.

Na pokrenutu zastupničku inicijativu dajemo slijedeće

I Z J A Š N J E N J E

Ministarstvo za boračka pitanja Kantona Sarajevo ističe da je podizanje nišana – nadgrobnog spomenika uređeno odredbama Zakona o dopunskim pravima boraca-branitelja Bosne i Hercegovine („Službene novine Kantona Sarajevo“, br. 45/12-Prečišćeni tekst i 26/14) i to čl. 50. i 51. Članom 50. definisano je da će Kanton podići nišane-nadgrobnne spomenike svim pripadnicima Oružanih snaga RBiH koji su poginuli ili umrli u toku agresije na Republiku Bosnu i Hercegovinu u periodu od 18.09.1991. do 22.04.1996. godine, te obezbijediti trajnu zaštitu i održavanje putem Fonda Kantona Sarajevo za izgradnju i očuvanje memorijalnih centara i spomen obilježja žrtava



genocida-Fond Memorijala. Član 51. glasi: "Organizatorima otpora, veteranima-prvoborcima, dobrovoljcima, kao i dobitnicima ratnih priznanja i odlikovanja Kanton putem Fonda Memorijala, podiže nišane-nadgrobnne spomenike nakon njihove smrti, u skladu sa usvojenim tipiziranim idejnim rješenjem od strane Fonda Memorijala.

Dobitnicima ratnih priznanja i odlikovanja obezbjeđuje se ukopno mjesto u „Aleju veterana“ na groblju VlakoVO ili na nekoj drugoj lokaciji predviđenoj za ove namjene. Ovo pravo mogu ostvariti i lica iz čl. 1. i 2. ovog Zakona pod uvjetima i na način propisan posebnim pravilnikom koji donosi Ministar za boračka pitanja.

Roditeljima šehida i poginulih, umrlih i nestalih branioca, kojima je poginulo jedino dijete ili imaju jedno ili više djece koja su nesposobna za privređivanje, Ministarstvo putem Fonda Memorijala, snosi troškove izrade i postavljanja nišana-nadgrobnog spomenika do visine sredstava utvrđene za lica iz stava 1. ovog člana.“

Shodno izloženom a vezano za prethodno navedenu inicijativu, Ministarstvo za boračka pitanja ističe da se za podizanje nišana – nadgrobnih spomenika izdvajaju znatna sredstva a da su pored toga sredstva koja se planiraju za ove namjene nedostatna. I pored činjenice da su u 2016. godini na ime izrade i postavljanja nišana – nadgrobnih spomenika izdvojena sredstva u iznosu od 264.536 KM, realizacija predmetnih prava se zbog nemogućnosti realizacije u jednoj godini prenosi u narednu godinu.

Proširenje ovog prava u skladu sa ovom inicijativom, značilo bi potrebu za većim budžetom za ove namjene, što trenutno ovo Ministarstvo nije u mogućnosti. Takođe, uvođenjem novih lica u pravo dovelo bi do dužeg čekanja na realizaciju prava podizanja nišana – nadgrobnog spomenika.

S poštovanjem,

Obradila: Derv ović

Kontrolisala: mr. Be 



mr. Muharem Fiso

Dostaviti:

- Predsjedateljici Skupštine Kantona Sarajevo,
- Stručnoj službi Vlade Kantona Sarajevo,
- Evidencija,
- A/a.



web: <http://mbp.ks.gov.ba>
e-mail: mbp@mbp.ks.gov.ba
Tel: + 387 (0) 33 562-012, Fax: + 387 (0) 33 562-251
Sarajevo, Reisa Džemaludina Čauševića 1

